

● 法國政治略考（續五）

阮伯卓譯述

(三)副市長。——每市於市長之下復設一人或多人爲副市長以佐治。對於副市長之選舉停職及革職亦與市長同。副市長乃市長之代理人。故於代理辰其職權亦與市長同。於市長有阻事辰則首列之副市長暫領市長之職。若首列者亦阻事則炤選舉之順序更以其次列者代之。若無有副市長則復炤選舉之冊次以其經就職之市會員者代之。凡大都市市長不能兼管各職權則可以其一部分專委於一副市長或分委於各副市長。若無有副市長則可委於市會之一議員或各議員分任之。

何辰於都市內有一區域懸隔市廳或交通之不便或因何等阻礙而不得兼管者則由參政院之審查然後呈請總統設「特仁副市長」(Adjoint spécial)此特仁副市長由市會公舉常由有住所在這所在地之議員舉出。若無此合格之議員則可特格舉這所在地之市民一人充之。然只遇此等場合方可以市會外之人民充爲副市長而已。

特仁副市長之職權原有一定之限制只得掌管生死嫁娶之簿及執行律例而已。不得炤其他各副市長而有代理市長之權也。

(三)市議會。——郡有郡轄議會以代表郡轄人民而商議郡內之各事務則市亦有市議會以代表市民而商議市內之各事務也。市議會以普通選舉法舉出其任期四年。定各市之議員數如左。

法國政治略考

市內民數達五百人。得舉議員十人。

自一千五百零一至二千五百人。得舉十六人。

自三千五百零一至一萬人。得舉二十三人。

自三萬零一至四萬人。得舉三十人。

自五萬零一至六萬人。得舉三十四人。

於大都城分爲多市區。則議員之數。炤每市區。又增加三人。現今只有離翁(Ey)城。應用此制而已。

其選舉法用「合冊選舉」法(Sécurité de liste)。蓋每一票須列舉其當選之各人也。然何辰由郡長或市議會或市內有選舉權之各人所請求。郡轄會議既經審究。亦可準其分區選舉。遇此場合。凡各區之選舉人。只投票選舉其區內之議員數而已。

何人有列名於選舉冊者。則當然有選舉權。其選舉冊之修定。亦與上下議院之選舉冊同。

市議員之資格。須年達二十五歲以上。須於市內有選舉權。或有受直接稅。(或證明自己於是年之正月一日被遺忘不編入者。)且須不屬於律內所定「不得應舉」之各場合者。然於市議員之總數。其無有住所於市所在地之人。不得過四分之一。有許多官職。不得兼領爲市議員者。若此項官職。被選爲議員。則於十日限內。宜辭舊職。若過限而不辭職者。則這選舉無效。

一人不得兼任許多市之議員。凡一人同辰被選數市之議員者。則自名冊發表之日起。十日限內。由其人順認供職於何市者。宜以書呈敍。若不明白呈敍。則公認之爲選舉人數最少之市之議員。五百零一人以上之市。則近親之人(如父子祖孫兄弟)不得同辰並爲議員。

自五百零一至一千五百人。得舉十二人。

自二千五百零一至三千五百人。得舉二十一人。

自一萬零一至三萬人。得舉二十七人。

自四萬零一至五萬人。得舉三十二人。

自六萬零一人以上。得舉三十六人。

屆選舉期。則郡長記議定招集其有選舉權之名人。這議定宜於投票前之十五日公佈。並投票日。須為禮拜日。議定內須明敍投票之地點。並自幾點鐘開始至幾點鐘終止。

亦於此十五日之期限。市長可以記議定分市內為各個選舉場(Bureaux de vote)。其分定選場及分配選區之事。原不相同。分選場者。乃因人數衆多。為其便於投票。故分定投票場所。使免嘈雜之患。然各選舉區之人。無論投票於何場所。須投票舉出市議員之全數。非僅舉一區內之議員已也。

選舉之日。宜設一董事部。由市長或副市長或一議員為座主。或因上敍各項人阻事。則市長可委市內有選舉權之一人充之。座主有監察選舉委會之權。選舉委會之任務。只限於選舉一事而已。其他不得有所評議規定。凡抵投票者。須持自己之票交座主認投於箱中。於選舉辰若有發生他故。則董事部得隨宜決定。投票辰刻既滿限。則宜出箱檢視。然後座主宣讀於公眾知之。繼此董事部之書記。宜修一編本。其董事各人須署名在內。

若初次選舉。有一人或多寡不足完全多數者。則於次期禮拜舉行再選。茲期以得票多者為中選。凡選舉人及應舉人。對於選舉事。皆得有異議之權。其異議條件。須記入編本。若不及異議。則於五日限內。宜單呈於市廳或縣廳或郡廳。於接認選舉編本後。十五日限內。若察出選舉不合法者。則郡長有駁却之權。

凡何人既經中選。而更被駁者。則於接認送達紙後之五日限內。宜呈出說明書(Mémoire justificatif)。遇此等之異議場合。則由郡廳會議審處。若所異議者。關於全市之選舉事。則於受理後二月限內。宜審處之。若關於一二區之選舉事。則於受理後一月限內。宜審處之。若於此限內。郡廳會議不之

審究。則這異議事應視之爲已被駁却。郡長宜送達於當事人知之。斯辰當事人可以抗告於參政院。若經郡廳會議既經審處而當事人不服情者亦可抗告於參政院。

市議員欲辭職。則宜修一辭職書遞呈諸縣長。自這議員接得郡長已編認這辭職書之日。則辭職之有效。自此日始。若不接得這編認紙。則宜再修辭呈。以掛號書送達。經送達後之一月而不見復音者。卽自行退職。

遇左列之場合。卽郡長得向一市議員迫其辭職。如於被選後而有干於被『罷除』之例 (exclusion) 或『不得兼領』之例 (incompatibilité) 者。又如集會三次。經有達書而連續缺席不之預會者。凡何議員干此各款。而被迫辭職者。則於十日限內可抗告於郡廳會議。

郡長有權得因正當之緣故。而向市議會停職。在一個月限內。然解散則須內閣會議之審察。然後由總統下敕令登載諸官報。

市議會開會共分兩種。一曰通常會。二曰臨辰會。〔甲〕通常會。每年開會四次。二月四月八月十一月召集之。其會期以半月爲限。延長會期。須得縣長之特許。議決預算之常會者。得延長至六禮拜。〔乙〕臨辰會之召集。須具下列三種理由之一。一出於郡長命令者。二出於市長之意。而通告於縣長者。三由多數議員要求召集者。

議員召集由市長於常會前三日通知之。若遇急要辰。則爲例外。凡關於臨辰會之召集。又宜預先通告所討議之事項。屆辰除議決所指定之事項外。不及其他。關於常會之召集。則無此項儀式。會場席次。由下列三種方法定之一。一被選較先者。席次居前。二同日被選。以得票數多者居前。三得票數同。以年長者居前。

市議會議長。由市長任之。市長有故。由市佐治員(即副市長)任之。如佐治員有數人。則以前列者任之。如亦有故。則由議員互選。以得票最多者任之。

凡每常會之初。應於議員中選舉書記數人。以備記錄會場事件。其助手則於議會外選任。市長出席。作行政出納之報告。則市議會應舉臨辰議長以代之。凡是日議決之結果。由臨辰議長報告諸縣長。市長除表決之辰外。常得出席辯論。

市議會議決事項。須得過半數之議員出席。

設市議會每隔三日連達書請集會兩次。而出席議員人數不足者。則第三次開議。不問出席議員人數之多寡。其議決均為有效。

市議會之開議。例定公開之。然有辰可開秘密會議。逕行表決。不必討論。會場之警察權。操於市長。

凡有在議場騷擾紊亂秩序者。會場警察得施干涉。且得直接召集兵力。此權在郡議會之議長等。則無之。

市議會討論事項。有為市政廳交議者。有為議員自行提議者。關於此項議案。市議會組織審查會研究之。

市議會於每次常會期中。組織審查會。以研究關於市政廳所交議或議員自行提議之議案。市長本為會長。但可命其佐治員充之。或可另行委人為副會長。備市長有故辰。代行其職。審查會但有討論議案之職。而無議決議案之權。凡議案經討論後。作一報告書。上之市議會。市議會即據之開議。

市議會議事。以列席議員所投票之過半數決之。若可否同數。辰。則由議長採決。議長雖非市議充任辰。亦仿此例。

蓋斯辰可否同數。未計及議長之票。若議長同意於何方面者。則以此方面為過半數。得優勝。

表決方法。共分三種。即記名投票。匿名投票。起坐表决是也。起坐表决。最為單簡。且不留痕迹。秘密會議。常用此法表決之一。凡選舉市長。市佐治員。推選市收稅官吏等。均以匿名投票法選舉之。

關於他事項。若有四分之一議員請求。得行記名投票法表決之。此項議事錄。市民均有查閱抄錄之權。(第五十條)至於議場之調查書。市預算表通告書等。亦同此例。

卽秘密會議決之結果亦然。會場情形併須於市廳之門首另行懸掛簡要投告書。市議會之職務約有四端。一議決。二陳述意見。三申訴。四請願。

屬於市會所議決之事項。有可寔施不必閱依者。此謂之爲規定議決。有須閱依而後可寔施者。此謂之爲通常議決。炤法律上則凡市會已經議決之案。卽生寔施之能力。惟關於法律中所特別規定之各場合。則須求上官之閱依而已。然通常市會所議決之案。雖無須於閱依。亦未能卽速施行。蓋於議決後八日內由市長而申告於縣長。縣長登記於簿而給以領收證。市會自接受領收證之日起。一月內無郡長之抗議。或郡長先期宣告不抗議。并十五日內無申訴者。其議決案方可施行。關於規定議決而生異議者。其原因有二。(一)議決之關於違反法律。超越權限。或不在規定之會期內。而私自議決者。此則法律上名之爲「違法無效」。(二)議決之關於徇私。或受人委囑者。此則謂之爲「不法取消」。對於違法無效之議決。郡長得任於何辰宣布於郡廳會議。一般有關係之人。亦得任於何辰提起申訴。他若對於不法取消之議決。郡長限於市會議決報告書登簿之日起。一月內宣佈於郡廳會議。一般有關係之人限於市會議決報告書公布之日起。十五日內提起申訴。而須於申訴後一月內判決之。市議會及一般有關係之人。設不服郡長之判詞者。得上控於參政院。其手續依越權上控式控訴之。市議會有一部分之事務。其議決案須得監督機關之閱依。然後可以施行。卽所謂行政扶持權是也。其事項如左。

- (1) 關於市財產之議決。如契約長期貨物之歸屬等
- (2) 關於路政之議決。如公共道路之編定路線之規畫散步場游戲場道路之建築及廢止之議決
- (3) 關於財政之議決。如預算案追加預算入市稅百分之附加稅公債等云
- (4) 關於市場貿易所建築及廢止之議決。

共事業建築物販賣場之調換等

以上四項當分別得郡長或郡廳會議或郡常置委員會或國家元首或立法權之閱依方能施行。即如都市之預算冊(Budget communal)先由市長編成繼由市議會之議決及郡長之閱依然收入數達三兆佛蘭以上之都市則預算冊議決後須由總統之閱依云。都市支收款之結算則或由於郡廳會議或由於財政院隨其三萬佛蘭上下之數而定。

就原則上言之閱依市會議決之權太半屬之郡長市會於議決後申送報告書於郡長郡長應於接受這報告書之日起一月內宣佈閱依或否認若逾一月而延不宣佈則視為否認拒絕議會得上控於內務部長。內務部對於郡長之拒絕或承認或否認有專斷的特權惟無論郡長或內務長對於市會之議決但得說明其否認之理由而不得於議決案內有所更換。

屬於市議會所陳述意見者則市會有應官廳之諮詢而陳述意見之義務其載於第七十條者尤為重要即關於市內交通問題及公益事業問題如養濟院、病院、慈善會等之管理是也官廳應隨辰顧問之否則以越權論可上控諸參政院。

關於七十條所規定之事項而市會拒絕申答者官廳可強制其答覆若仍拒絕則置之。

屬於市議會之申訴則關於租稅分配局所分配於市之稅額有異議得提起申訴其申訴書縣長會於常會第一期中核察之而郡議會於第二次常會期中判決。(律第三十八條第一款)

屬於市議會請願之事則以關於市範圍內公共利益事務為準禁止涉及政治問題反此則請願書無效。

(四)暫時委會——於市議會被解散或各議員請辭職之時而未及選舉新議會則於解散或接得辭職書後之八日限內總統宜舉一特別委會(Delegation spéciale)以暫代之民數三萬五千人以上

之都市。則這委會以三人組成。其民數增多者。以七人組成之。須於敕令中指定其會長之名。這委會之職權原有限定。只得處置行政之常務。及其勢難展緩之緊要事項。屬於財政。則只可使用年內經列入預算各款而已。這委會乃暫時之機關。於二月限內。須選出新議會。

(五) 各市聯合會——何時有許多市之相互利權。則每市會須用匿名投票法。舉三人爲派員。(Délégués) 以會同審查屬於各利權之間題。炤一八八四年法律。有準設許多市之會議。謂之爲市際聯合會議。(Conférences intercommunales) 這合議會所議決之事項。須有各市會之閱依。並須符合於律定預算的條件。然後可以施行。又千八百九十年三月二十二日法律。且增廣其權限。準許各市行組織聯合會。謂之爲都市聯合會。(Syndicats de communes) 仍這制度未能成就。現今法國全境。約僅組得二十個都市聯合會而已。

欲組此等聯合會。則各市會須互商同意。然後書呈於參政院。經參政院察可。則由總統以敕令准許之。既經準許成立。則這聯合會便是有法人資格。其管治聯合會之事務。則由每市會各舉二人之委員。合組委員會。擔任之。這委員則或由市議員中。或由市內有被選爲議員的資格之各人中。舉出。若由議員中舉出。則委員職務。只於議員任期內發生效力。然限滿亦得再舉。其屬於各市冊簿編制之規則。都市聯合會須遵從之。

聯合會之委員會。須舉一幹事部。並定會期。郡長及縣長皆有參預會議之權。都市聯合會。或永遠組織。或定期組織。不定。何辰因期限既滿。或所議之事項既告成功。則這會自行解散。或由預會之各都市。同意解散。亦可。且有辰可以敕令解散。

(五) 市制及郡制之特別制度

向上乃舉法國郡及市之普通制度。然其間有設特殊之制度。以組織於巴黎市賽納郡 (Seine) 及離翁市 (Lyon) 邊舖 (Belfort) 轄與普通制度不同者。今試略舉如左。

(一) 巴黎市制。——巴黎因人口佔全國人口十六分之一。市之預算額佔全國預算十分之一。勢不能以同一之市制應用之。且地方權力之強盛。幾足與中央政府相颉颃。以歷史徵之。凡革命事業之發生。何一不以巴黎為中心點。政治問題之激動。何一不以巴黎為導火線。故若以普通之自治權利授之。恐生政治上之危險。而特別市制於是乎設立。巴黎市制與普通市制不同。大略如左。

巴黎無人民公舉之市長。(昭一八七一年四月十四日法律) 都市分為十二區。每區有一市長並副市長三人。由中央政府補任。各市長之職權亦有限制。每區又分為四戶。每戶舉一市議會。以匿名投票法舉之。

巴黎城之市議會。一年內有通常會者四期。其間一期則會期六禮拜。以審查預算。餘則每會期在十日。凡常會之間隔間。均有臨辰會。於通常會之初。則由各議員舉一議長及書記員。以應行此常期及繼此之臨辰會之職務。市議會之職權限制太嚴。凡市會之議案。一切須遞呈於行政權閱依。方可寔行。雖遇律中已定明議案可即施行不必閱依之場合。然其議決須得賽納郡長之同意。若夫擬集公債。須有議院之法律。

(二) 賽尼郡制。——賽尼郡居首都要地。(爲巴黎城所在地) 與巴黎城關係至切。故立法者不得不覩乎巴黎之組織。而特定為賽尼郡制以治之。據一八三四年之規定。則賽尼郡議會以巴黎市會議員三十六人。及聖特尼縣 (Saint-Denis) 沙縣 (Seine) 議員八人組成。一八四八年同辰。以七月三日勅令解

散賽尼郡會及巴黎市會。而組織臨辰市委員會。以管治郡及市。其後市議會則由一八五五年之法律規定。郡議會則規定於一八五二年七月初七日。將一辰權宜之制用至帝制告終之日至一八七一年。市議會得復選舉之制。茲將賽尼郡今日之制度略舉如左。

郡之首憲有兩重職。一爲警察總監。(Préfet de police)掌管巴黎城及聖特尼縣沙縣(此兩縣不設縣長)並

賽尼奧斯郡(Seine et Oise)所屬諸市之警察權。二爲賽尼郡之郡長。其職權亦與他郡長同。而又兼巴黎市長之職。(除屬於各區市長所管屬於生死嫁娶之職務外)

賽尼郡議會之組織。除巴黎市議員八十員外。聖特尼及沙兩縣之各總每總得舉一人。得二十一員共爲一百零一員。其任期四年。與巴黎市會同辰改選。開會無常期。只臨辰由郡長召集。並以命令定其開會辰日及其期限而已。凡關本郡利益之事。皆屬郡議會範圍之內。但所有議決事件。大半先經上級長官之許可。賽尼之郡廳會議。其職權與他各郡廳會議同。惟以應裁之事多於他郡。不得不增置人員。然於品格之選擇極詳。計有議員九人。在數內議長亦

政府之委員四人。及秘書數員。

(三)離翁市制之特殊於普通市制。寔始自一八五一年。是年六月十九日。規定羅尼(Réon)郡長里昂乃屬於羅尼郡。對於離翁鄰近諸村落所執行之職務。與巴黎警務總監對於巴黎郊外諸村落所執行之職務同。

第二帝政辰代。郡長操離翁之行政權。而另設市委員會以監督之。分全市爲五區。至一八六七年分爲六區。每區置市長一員。副市長三員。市廳之組織與巴黎同。繼此一八七〇年、一八七三年、一八八一年。經次改革。而成現行之離翁市制如左。

其執行機關。則設中央市廳一所。有中央市長一員。副市長五員。並六區廳。(即亦用爲選舉區)每區市長一人。副市長二人。市會之議員數五十四員。(全市三十六員)市會之職權皆依普通法律所規定。然屬於保持安寧及警察經費。雖郡長如何開支。市會不必過問。

(四) 邊舖 (Belfort) 轄制度。— 邊舖轄區域狹小。不成爲郡制。故以特殊之制組織之。有一行政官 (Administrator) 代表政府及掌郡長之權。有一委會 (Commission) 炙郡會選舉法選出委員九人。以代行郡議會之職權。無有郡轄委會及縣轄會議。惟佐治機關。則設總書記一員。及郡廳會議而已。(未完)

歐學行程記 (續二)

義園阮文桃撰

巴黎地居山分城中高低不齊。有立此庸則見彼庸在足下者。亦有立甲庸則見乙庸在屋上者。巴黎之最高處爲察賓瓶禮拜堂 (Eglise de Sacré Cœur) 在城之北邊。

各國人種居住巴黎城不下數萬。或入學校。或操商業。英日德美清諸國人較多於他國。支那人住此約四五百人。至於南國人不過一百人以下而已。

城中報館森立。約有四五十種報。各省及外國有何音信事件。無不一一錄登。以公衆覽。平旦辰印成。卽發售于各處。城中無論男女貴賤。各各手携報紙。且行且讀。卽至車夫走卒奴婢。亦無不樂閱之者。蓋舉國之人。皆識字。又素有喜閱報之根性。故不惜一錢買之。農夫野人。亦預聞天下事矣。夫以巴黎爲天下之最美最大城。其屋舍高大雅觀。其街衢廣漠清潔。風景宜人。音信靈速。有無限之活動力。是以城中工藝營作。勃勃興盛。自早捌點至晚柒點。工廠之中。動作勤敏。至晚柒點而後。公衙商店閉。而歌館戲劇開。公冗之暇。繼以放遊。酒色聲音。娛目遣懷。至早貳點鐘而後止。大街衢

中如麻低蓮 (Boulevard de la Madeleine) 路。民主路。(Place de la République) 蒙莫路。(Boulevard Montmartre) 烏悲加歌館。(Place de l'Opéra) 及環近車站諸處。消遣唱歌之佳趣爲獨優焉。故凡大種奇觀佳趣不能盡述。令人目過之心悅之而一見後猶夢寐及之也。

城中一庸各有一庸之風景。一戶各有一戶之遊人。其車馬馳驟之最多。則推甥覺萌 (Boulevard Saint Germain) 繫離夷 (Champs Elysées) 通盧 (Boulogne) 等路爲首。自晚四點以後。則大遊觀之所。莫若通盧。固盛夏之辰。晚六點以後。自拿坡崙 (Napoléon 1^{er}) 紀功坊至公谷處 (Place de la Concorde)。經過甥繫離夷庸。遊人車馬。望之無異大蟻穴。而文人才子富戶豪家。則又相率縱遊於蒙芻路 (Place du Parc Monceau)。以嘗庸中之佳趣。至如烏衣子弟。紈扇佳人。相與携手散遊於蒙漠之間。以結風月之良緣。而演楚雨秦雲之戲劇。樂處無盡。真興天然。足以符遊人所求之大欲。至夜深二三點間。於道路靜寂遊人蹤跡稀少之辰。則城中大市肆商賣貿易諸人。老婦村翁。菜車魚車肉車。喧喧嘵嘵。已羣起而代遊人車馬之聲矣。故法人謂巴黎不睡。蓋亦信而有徵也。

要而言之。巴黎之繁花美麗。爲環球之冠。一切快志悅心之事。無不求之即得。取之逢源。人數之衆多。不讓於英國之倫敦。樓臺之壯麗。不減於意國之羅馬。宜乎外國人之遊覽於其間者。莫不怙其願望。厭其耳目。而噴噴然稱其文明臻極點。今試舉其樓臺院塔學堂園圃商店之最著名者略述于後。

緊離瓶宮殿 (Elysée) 乃監國殿下所居之處。起築自一千七百十八年前。爲魯意王第十五 (Louis XV) 及拿坡崙第一 (Napoléon 1^{er}) 所居住。至一千八百六十七年。翻巧會。這殿用爲外國王居住。

之處。後始增修爲監國蒞所。中藏畫圖寶器甚覺玩。目前爲一小園。規制精密。堂壇高大爽垲。亦是巴黎城中之一美大宮殿也。

盧花殿 (Musée du Louvre) 在巴黎城之中央。乃天下之第一宮殿而巴黎城之第一遊觀處也。起築自一千二百四年至一千八百四十八年始完成。前代法王常居於此。今爲美術館。面積約得二億西方尺。殿方如日字形。中爲園囿。花樹鮮茂。植草爲五紋色。中有前代名人銅像。又有紀念臺。殿之右邊爲戶部尙書座。這殿中博物院最多。珍寶玩器及古物不可勝數。欲一一詳觀。必須窮十日之力。棟宇巍峨。宮牆壯麗。風景之美。推此爲首。殿中分爲三層。貯雕刻之土石器物等項。有上古中古及近代之雕刻器物。內有埃及東土耳。其前代之雕刻精工。第二層則爲藏貯繪畫圖幅院。筆精墨靈。彩溢神出。有埃及希臘 (Grec) 古辰所遺來之畫圖。及一切歐洲前代最著名畫工所貽之畫幅。間有一幅值價數兆佛郎。又有一房全貯珠寶玉石諸玩飭。內有一片金剛石。值價六兆佛郎。天下之最大金剛石也。有法國輿圖一幅。俄皇所獻於法皇也。圖本用第一項紋石製之。圖中之京城市府縣及山川疆域界限。均用青黃紅白紫碧五色玉爲之。玲瓏光瑩。珍寶無價。望之不厭。上層爲藏貯水道各項輪船院。院中別有附置名畫幅一房。這院具有水道各項船規式。製爲小船。置於院中。以備考究倣法。有商輪戰艦魚雷艇。巡洋艦。鐵甲艦。潛行舟。與江行之各小木船。及棹楫槳舵繫舟繩。救溺器。炤海燈。並外國各項船規式。中間有一大房。房內藏亞東諸珍寶古器。或出於日本。或出於我南。或出於大清暹羅等國。如杯盞磁碗瓶罐諸土器。及各項木銅雕刻器物。這院中諸物飭最多。不能盡述。茲特舉其大略而已。

巴黎鬪巧局院 (Palais des Beaux-Arts) 在阿烈鎗第三路 (Alexandre III) 分爲兩院。一號小院 (Petit Palais) 在路之左。一號大院 (Grand Palais) 在路之右。這院之設所以備西一千九百年之鬪巧會也。兩院屋舍均壯麗。工築精美。仍規制不同。其中有巴黎雕刻畫圖諸美物。及諸珍寶器院之屋上均飭以黃金色門扉。高大掩靄垣牆花麗甚。覺玩目。

法王行宮 (Palais Royal) 在盧花博物院之右。起築自一千六百二十九年。爲前代屋黎安王公居住之處。四周樓臺艷麗。棟宇巍峨。雕刻之精工。金銀之美飭。不可名狀。宮內庭中分爲兩小園。栽植花卉。中央爲噴水池。望之甚覺玩目。這宮今日用爲國會 (Conseil d'Etat) 之所。

巴黎市政廳 (Hôtel de Ville) 這座棟宇森嚴。宮牆煥美。爲外國人所稱異。起築自一千五百九十三年至一千六百二十三年始成。一千八百七十一年又被火患。一千八百七十八年始因其地而重修。雕刻精工。文綵艷麗。十倍於前。其中諸房舍。屋上均飭以黃金色或圖繪人物形體。座之前門。有巴黎歷代諸名人銅像。及法國諸城之真樣子。座之中藏名畫諸幅最多。上層有一大房。爲巴黎城庸議院所。這房惟會同座主官會同列員及巴黎督理官蓮省該治官方得入。

拿坡崙陵 (Tombeau de l'empereur Napoléon) 在醫濟軍士院中 (Hôtel des Invalides)。這院面積一億二萬六千九百八十五西方尺。所以收養士卒。久勞於行陣。有功於國家。而疾病貧苦無聊者。起築自一千六百七十年。魯意第十四辰代至拿坡崙復增美之。院之前有大園。花色艷麗。樹木成行。有各種大鎗砲羅列於其前。所以紀拿皇戰勝之功也。院之中爲一最高圓臺。臺之中均飭以黃金色。其下爲拿坡崙陵。棺身用紫紋石爲之。美麗無比。這陵形圓。有花石十小柱盤繞棺前。上有二色旗。

陵之中間均飭以五彩紋石。四邊有十二小銅像。紀法皇之第一大戰功也。環近陵間。均置拿皇父母兄弟及從征功臣名將諸陵墓。陵之後有一大案。前刻拿坡崙臨終遺囑之辭云。我欲沒後骸骨葬在蓮江岸。以與我所最愛之法民相終始。(Je désire que mes cendres reposent sur les bords de la Seine au milieu de ce peuple que j'ai tant aimé) 味斯言也。英雄血性。雖死不衰。憂愛熱誠。至今可想。真可謂振古之豪傑矣。

院之中有藏貯器械廠。分爲兩房。左房爲藏貯古今所用之各項兵器。右房爲砲手兵器。拿坡崙之戰陣衣服。及其干戈鎗砲。均藏在廠中。又有一別房。內貯所取自亞東諸器物。中國皇帝戰服甲衣馬鞍。我世祖高皇帝所贈法國之太阿寶劍。以及誥敕印綬鎗砲旗傘鉦鼓等器。又有御製詩一首。寫于黃色紙上。置在鏡箱中。房之右隅。有一大笥。內藏我南本朝一品官朝服一部。

拿坡崙紀功坊(Arc de Triomphe)在甥緊離瓶路(Champs Elysees)之首。法人呼爲星聚之處。(Place de l'Etoile) 坊築自一千八百六年二月十二日。高四十九西尺五十五分濶四十四西尺八十二分厚至二十二尺十分。自下而上。共有二百七十三步。有將卒兵馬像。雕刻精巧。有四大門。圓形內刻三百六十八大將芳名。及紀念諸大勝陣。拿皇築此。所以誇耀大法之兵威也。立上層望之。則見巴黎城十二路。均聚會於坊之四面。而分達於各處。無異奎聚形。故謂之星聚處。按拿坡崙之在大法也。東征西討。所向風靡。威振全歐。真可謂空前絕後之第一英雄也。而今安在哉。迹遠人湮。吊英雄之佚事。星移物換。嗟世局之桑滄。登斯坊者。孰不爲之浩嘆。

冰犀翁臺 (Panthéon) 乃是大法國名人鉅公紀念臺。門外有數圓柱。柱上題曰。國家銘感大勳名諸公。(Aux grands hommes de l'Etat la patrie reconnaissante)

上層爲一圓塔。高至八十四尺。堂內牆壁繪畫歷代古跡。及陳列名人諸遺像。堂之下有隧道。則名人諸墳墓在焉。觀此則知大法國歷代多生偉人。皆能以其才其學建立功業。遺餉後人。所以生前既享榮名。而沒後則國家永留紀念。令人過訪其地。憑覽芳蹤。遺像清高肅然起敬。而歆慕景仰之忱。不能自己者矣。因偶占云。「一簇崇臺插碧天。國家銘感大勳賢。清高遺像千秋在。憑吊芳蹤尙凜然。」

巴黎審判座 (Palais de Justice) 在蓮江 (La Seine) 中之小島。這座上層爲初審上審二院。及總核院。每院設總理大臣一副辨。二議事參議各數員。有收單房。檢察諸雜事。這房設副總理大臣。一書記員。二又有一處。頗覺宏敞。則前充案座諸名公遺像在焉。座之下層爲管治城庸案院。專判處瑣細擬罰等事。座之左房爲刑法院。審察命案刑獄等事。

庶民會議院 (Chambre des Députés) 在逋瓦殿 (Palais Bourbon) 棟宇崇隆。規制壯麗。院之中間爲座主大臣坐位。旁邊則庶民會員坐位。專掌編記。座主坐前稍低處。爲各部尚書大臣坐位。環近爲庶民議員坐位。預會者凡六百五人。皆各省之代表人也。凡國家諸律條。及保護律例。由議員先行擬定。仍須經上議院閱依進呈。監國殿下批記。然後施行。觀此則國民有參議之權。而草茅得抒其所見。總統有批閱之責。而太阿不至於倒持。此共和政體之大略也。

歷淫逋大公園 (Jardin du Luxembourg) 在屬地場之右。亦巴黎之一大園也。樹木秀茂。草花繁紅。光景清涼。盛暑之辰。巴黎城之士女往來。休息遊戲於其間者。人多於鯽。有一大噴水池。遊人各設

凡環池而坐以乘涼園之左爲歷淫通博物院 (*Musée du Luxembourg*) 院之外層陳列婦女石像。露其膚體。其中層均排置諸名畫幅。所畫之山川草木人物。筆彩神妙。酷肖真樣。天然巧思。不可倣法。其所畫之男女亦均露其膚體。至於銅像亦然。察之法俗。凡有模倣。何人而設銅像石像。或繪圖。無論男女。均使露其全身。蓋欲其不失天然之形體。而表畫意之精。法國處處皆然。非獨這博物院而已也。

元老議院 (*Le Sénat*) 在歷淫通公園之中央。中有雕刻精巧諸木器及諸名畫本。樓臺爽塏。門扉高大。議員共三百人。均係各省所舉之代表人。凡得保爲元老議員。必須年自四十歲以上。向來無干連何款。法國諸律例均由這議院合與庶民議院撰定。然後遞呈監國殿下批閱施行。

公骨處 (*Place de la Concorde*) 創立自魯意第十四。乃巴黎之大遊觀處也。中央有一美塔。乃一千八百三十六年埃及國王所獻於法皇也。塔之全身以一塊花石爲之。高二十二西尺餘。重二百五十千西斤。有埃及古文字刻於塔上。兩邊爲二大噴水脉。其外之四隅有八大石像。形容法國之大城。及四大銅柱。其北邊有二大樓臺。屋宇壯麗。風景如畫。入夜燈光燦爛。遊人往來。車馬如織。前有公骨橋 (*Pont de la Concorde*)。由此橋可至庶民議院。巴黎城橫互蓮江。共有二十六橋。這橋亦巴黎之一大橋也。

箕罍尼博物院 (*Musée de Cluny*) 內有前代法王維連所居之頽址。尙存甚覺古器。織紝器。象牙磁器。木器。水晶器。兵器。金銀飭車服。几案等類。雖云古物。而製造甚覺精巧。

翰林院 (*Institut de France*) 在蓮江左岸美術橋頭。創立自十七世紀。工程較大。屋舍巍峨壯麗。上層爲一圓臺。規制與冰犀翁大同小異。院中陳設歷代翰林諸名人遺像。及諸畫幅。這院分爲五

班。第一班專主著書立言及考究各國音話。會員共四十人。第二班專主考古代樓臺及美術。會員共四十人。第三班專主哲學博物。會員共六十六人。第四班專主政治教育。會員共四十人。第五班專主美術。如工築雕刻繪畫之類。會員共四十人。均選國中上流學識諸人充之。其選擇班中會員。用投票法。仍每班選擇之權相別。原不相干涉。

烏悲加 (Place de l'Opéra) 乃巴黎城之最大歌館也。宮牆艷麗。工程鉅大。乃格尼緊 (Garnier) 名工師所造。歷十五年而成。費至六十五兆佛郎。人人公認爲環球之第一歌館。這館分爲三層。兩邊有一二柱上爲銅像。中爲最高圓形塔。館中牆壁陳列無數名畫幅。及諸雕刻精工。入夜燈光燦爛。車馬雲集。其俳優諸人。均受國家厚祿。衣裙鮮美。顏色宜目。風流無比。故巴黎城人亦有賤功名而樂俳優者。所演之戲劇。神出鬼沒。觀者嘖嘖稱奇。凡遊觀者。均是富貴豪放人物。歐西例。凡有銀錢入歌舞局遊賞者。國家另炤。每人坐次原價錢千。加收濟貧錢。每率各千。隨其坐價之多少。以爲差。由社會中貧富不均有衣食豐富浪擲金錢者。有窮乏無聊行乞於途者。今既有錢入歌館。則當有錢以給貧乏。此誠不費之惠。而國家救貧之一妙術也。

掣瘡癱博物院 (Musée de Cernuschi) 在蒙芻園 (Parc Monceau) 之間。乃掣瘡癱公所獻於巴黎城也。院之外層下面。有兩銅龍及銅香爐。雕刻精美。院中分爲五房。第一房陳列日本高麗諸美術。第二房陳設亞東釋尼諸祭器。第三房藏置玉石象牙磁碗几案及諸畫幅。第四房排設亞東諸古銅器。祀器如佛象香爐銅像磁器之類。多是四千年來之古器。第五房亞東諸古磁器及諸琺瑯器。要而言之。則這院中均是亞東諸古器珍寶玩飭。甚覺精美。

鑄銀錢局 (Hôtel des Monnaies) 這局創立自一七七一年至一七七五年始成。在公司路上外面長至一百二十西尺。粧飭華美。僕等入局後。放步上梯。直到貯銀錢所有一大房鏡箱內列古今錢文。各有次序。南國及外國錢文皆在焉。又有一鏡箱內列歷代佩星。後到鑄所以觀鑄錢格式。則見這等銀笏均取在倫敦 (Londres) 與紐約 (New-York) 城以鑄之。其法用銀九分銅一分混合。沸至一千三百度。後注入大範成片。又置機器挽轉二三次。使銀片軟薄。每挽轉一次。必經火烈以免剛折。後切成小片。以機器轉磨。使之光潤。其小片置在機器。一轉即成兩面周圍痕紋。每一秒鐘壓轉得五十至六十五片。至如金錢亦依鑄銀錢式。而鑄法用金九十九分銅十分混鑄之。又有製佩星局。這局壓機甚多。惟有一機重二萬五千西斤。用汽機轉運。以壓成佩星上之各形樣云。〔未完〕

香江夢

阮伯卓撰述

本年五月十八夜。余與雲屏君泛舟於香江石堤邊。辰晨鐘已八九下。東方月輪初出。金光掩映水面。微風徐來。若偕余等有夙約。踐而至者。余等感風月之緣。移舟中流。解衣就浴。以清白對彼可愛之友。蓋余此回歸家。因雙親有生封之慶。忙碌於交際酬酢。凡十餘日。事清抵京。藉香江一夜爲休憩計。故泛舟目的不似昔辰。以月下聞琴風前把酒。爲清賞良夜也。浴後對坐納涼。雲屏君述談京都雜俎。殊可贍矣。少頃萬籟寂。兩岸燈光漸稀。惟有橋影松陰。淒涼夜色而已。余兩人相將就寢。雲屏君談興未竟。絮絮猶在。聞然余之聽官。已不復辨所述者何事。忽然見東華市濱次。架一木橋。沿岸抵江心。可五六十七西尺。橋之兩邊。舟篷輶集。宛若秦淮畫舫。珠海花船。遊客滿江。笙歌盡致。中有

香江夢

六十

一綵棚大開酒會。燈光上下依然江面水晶宮。箇中行樂的人則或稱爲中央代議士。或稱爲南國大狀師。或稱爲理科教員。或稱爲詞壇學士。酒醺耳熱。雄談政治。品評文章。滔滔然聲瀉江河。氣吞星斗。饌將徹。樂工和琴女伶獻舞。或則歌西貢之調。或則唱歌籌之曲。或則吟琵琶行。或則詠翠翹篇。其餘舟亦弦亦酒亦棋亦歌鬧到大極樂境界。令遊客且嘆觀止。俄頃客散。各舟都離橋占便宜停泊。余等循橋來往。見一小篷維篙於橋頭之石級畔。篷尾坐一老婦。辰則向岸四顧。若招客來遊者。余向老婦問之曰。舟容客夜宿乎。婦曰。已有顧客在泊此僅待來友耳。忽篷中有人出聲曰。今夕姑容客夜宿。余行上岸。不耐久待也。老婦移舟接余等上其舟。頗湫陋。泛遊殊非適。然箇中有美人聲。山不在高有仙則名。水不在深有龍則靈。余等此辰之眼中。不在舟而在舟中之人也。入舟後中見一少婦。年三十外。顏貌清秀。然挾有秋氣。著青紗衣。無裝飭。婦見余等入。雙手收拾芙蓉盤。預備上岸。余曰。僕等無乃擾貴娘子風流夜耶。少婦曰。無妨也。妾姑上岸讓諸君夜渡可也。余曰。貴娘其將在此納涼耶。婦曰。否。余在此僅待一友。今夜半之子期不來也。余曰。貴娘其有芙蓉癖耶。曰。否。備此爲吾友用。婦人們安克愛此。余曰。然則貴娘其可永今夕乎。僕等奔走數日間。心神殊不適。世人云鴉煙一斗。眞清神壯胃之藥。娘子其可爲僕練個靈丹否。少婦笑而語余曰。此誠有之。然一試後他日莫怨妾爲芙蓉媒也。鍾鳴漏盡。歸途殊不便。余姑勉從客意。於是燃燐火之燈。啓煙膏之匣。長籤飾玉短管鏤金玉手纖纖嫋熟可愛。余徐向少婦而語之曰。客不聞長安歌久矣。姑娘生長此間必於腔調擅長。如此月白風清夜。其能爲客一消魂否。婦曰。妾少辰頗能習此。然十年來久不理曲。非敢藏拙。有喉殊難上得起也。余曰。香江一帶水載不盡佳人才子的愛情。吾等今夜泛舟此間。姑

娘其能以多少情史。餉客一聽否。婦曰。愛情耶。愛情耶。世間無賴的男子。曾利用愛情二字。以誤女子之終身。不知凡幾。噫。愛情云者。誠人生之仇敵者也。君乎。妾居長安日久。年歲幾許。大猶是作飄零無屬之花。每逢美景佳晨。人家婦女欣欣然。鬪綠誇紅。自鳴得意。而妾則年年只作孤栖鶴隻影。斜陽獨往還。噫。妾豈無情女子。不能取悅於人間。抑或違衆獨立。與物多忤哉。無奈半生塗粉畫黛之工夫。嘗爲造物所妬。迨今繁花已矣。人情世態殊厭薄視之。噫。情史者。誠人世之淚史。寔告諸君。縱妾胸中有成稿。亦梗咽不欲吐也。

余曰。然則姑娘之歷史。其必有最悲痛者。在請姑娘試一縷述。僕等或將有法可代爲解悶也。少婦曰。以我風塵賤女。半生歷史。殊不足瀆君聽。然承君好意。姑一述之。潯陽琵琶聲。抑亦江州司馬所不棄也。妾良家女也。余父爲平定人。少習科舉。十試不得中。返營農業。膝下僅余一人。余早喪母。父愛之若掌上珠。課耕省稼之暇。授余以筆硯。十二三歲。辰塗鴉之技。余頗習之。十七歲。父嫁余於三場。試生某。某最負文名。頗精琴學。得句爲郎燃燭。援琴爲妾調絲。伉儷之樂何如也。大凡男子十年讀書。未能有所樹立。則反視置身溫柔爲大恥。事故結褵。纔及數月。余夫決志遊學京師。以求進取。而余亦以懷安敗名。一語勖之。君未老成。余尙少。錦袍花誥。佇重逢。此辰。余兩人之期許。何等偉大。而區區兒女私情。不屑及也。別後一年。余夫附試京師。一二場試稿。大爲儕輩所贊賞。羣以魁甲期之。詎意入第三期。以犯場規。被黜。試罷。余夫留京預備入監。蓋不捨得人間青紫。決不欲見故鄉桑榆。也是科之後。朝廷改革試法。余夫半生之長技。盡成畫餅。於是轉從新式學習。曾憶有書寄余。謂今日於策論國語。頗有進步。乃接書之後數月。而病耗至矣。余得信後。星夜赴京。纔到寓。則余夫病

症已劇。余奔走求湯藥無效。隔數日。余夫執余手垂淚而告曰。我可愛之友乎。結髮未幾。便成生離。余也薄倖人。迷夢人。熱心功名。埋頭舉業。上無以盡晨昏之養。下無以溫枕席之緣。只願壯志少償。博得一名。歸以慰我堂上親及閨中友耳。天乎。使我不祿。學未成名。身已沒。徒增余疚。傷心何如。然余有最後之語。籲求吾友原諒者。余之擗病者。乃由余勵志進取之故。人生精力有幾。而前則勞神於制藝詩賦之學者幾何年。今又用功於策論國語之學者幾何年。每試法一改辰。則余不知用。幾許頭腦。注幾許心血。而從事研究之者也。余見世人乘青黃不接之秋。苟且涉蹠。得一二非歐非亞之學問。以僥倖求一第。予寔厭之。故予於改途易轍。辰亦無不用盡死力。雖然。予之賦稟太薄。弱志大而力小。殊不自量。亡身之禍。寔自召之。予可告無罪於吾友者。長安雖爲遊人旅客行樂之地。然幾年來。予於酒色之欲。嘗引爲嚴戒。吾友勿疑。我或因酣醉逐之。故斬喪致病。以誤此生也。萬一予不幸。祈吾友以予最後之言。稟予父。並宥予過。予於泉下。寔感恩無既也。言竟。嘔血數斗而死。天乎悲哉。此辰之予也。琴絲中斷。鸞影分開。他人固引爲痛苦。而予之痛苦尤有甚者。茫然異地一身。擗此大變。神魂恍惚。心腸碎裂。噫。此日之日。寔予之神經受最大之痛打。而令予此後之感覺失其自然性也。亡夫猶是人間鬼。襄事誰爲。內外親所幸有予夫之同學友。各傾囊出力。爲予襄助。棺殮埋喪等事。

余夫沒後數月。余父亦相繼捐塵。情孝一身。喪衣屢易。北南兩地。墓土皆新。寒月嘲人。寂寞孤飛之鳥。斜陽炤屋。蕭條四壁之家。此辰余蓋已不知有生之樂。待旦夕覓得死法。以從余親。余夫於地下已耳。可惡哉。余懦弱之女子。根性無論。身遇何等。最悲痛之光景。亦不過吞聲忍痛。坐聽彼造所安。

排除卻哭泣悲號之外。不能以生人之抵抗力爲之對付。以表示不服從此最酷虐之命運也。余移家於長安。近余夫之墓墳居焉。蓋其辰余之眼光中。只視此三尺之夫墳爲余終生最可寶貴可戀慕之世界。此三尺土外。都是殊鄉異域。隨地覓生活之場所已耳。噫。此三尺之片土乎。今尚在是。微君之故。胡使余流落至於此地也。婦語至此。嘻噓太息。若表示最痛苦者。遂手烟槍向余曰。請貴客用此一斗。余接一吃。復向婦問曰。然則今日貴娘子其爲守墓之夫人乎。婦忽面帶慚愧容而答曰。噫。使余而能爲守墓的夫人。余誠榮幸哉。然無情之余。安克有此。余誠世間最無血性之女子。罪大惡極。以損壞其身名。下一段歷史。誠余生之汗點。然不妨對君盡述之。憐我罪我。亦余所仁受也。余居長安。三易寒暑。不謂以婦人身爲異地。客營生無計。而從一之志不可終。因近鄰有陳氏者。其父少有儲蓄。子從歐學。二十三歲已博得通譯位置。月俸三十餘元。以當日長安之生活的價值。殊亦便易。男子一身。下無俯仰之計。上無仰事之勞。月入三十餘金。便已是風流無上的人物。某陳姓子。容貌翻翻。衣裳楚楚。余常觸目已。竊嘆造物待人之不公。嗟乎。金錢富貴之魔力。能吸引婦人女子之靈魂。使之失其所守。余不能避此貪慾之橫流。以致失身。寔余終生之大憾也。一日。余遇陳某於鄰嫗之宅。某以情話相挑撥。乃予始而驚愕。繼而慚愧。終而憐憫之心亦生焉。其後。陳某見予之苦况。由鄰嫗介紹。贈予銀五十元。嗟乎。此何處阿堵物。無故落於予手。令予兢兢戰戰。受之不敢。受辭之不忍。辭斯辰。予欲得第二之真正的人。代予裁判其可否。然事又不可以外洩。除嫗之外。無可與商者也。每於更深夜靜。回念予與予夫之愛情。不覺肝腸碎裂。欲急將此無故之贈物璧還他人。以全予節。然饑寒之境。迫於目前。算來或予不死而生者。亦惟賴此黃金之力。能爲予後援耳。君乎。

世上鬚眉男子。因黃金之勢力。而失其品格名節者。不知凡幾。豈特我婦人們哉。予以爲一旦與彼

西學人物爲友。必能使我一生得所依托。不至窮年吃苦。如昔時寄身於漢學殘局之人者也。懸蘿有所附。無爲大海之萍。離山之葉。丁零孤苦。以終其生。則安知九原之下。予夫不爲之潛慰也。予計已決。乃從嫗所勸。簡易以無條件的適陳通譯室。詎知續嫁之後兩月。新人已他調。約予赴任後。另招同往。日月荏苒。待至一年。不見消息。迫得予跋山涉河。覓予新人於某省。纔到寓見。彼方與新婦對酌。囑家僕向予下逐客令矣。予負氣的女子也。自他人遇此。將不勝其嗟擾。然予則僅以一笑。對付之。此時予急欲離此。蓋一目擊彼薄倖之面。幾無異於寇盜。恐將浼我也。予出門後。回念身世。悲悶不欲生。嗟乎。貪五十之贈銀。買一生之身價。予誠人類中之最愚者也。其地有予姑母營業於此。予就依之居。可五六月。前恨亦漸灰冷。養蠶織布。予亦擇業而安之。

適一日姑母謂予曰。從一而終。婦人之道也。然古來鰥居之婦。能以全其節者。或則因嫁後已有子女。或則因夫家之遺產。足以自贍。或則因翁姑在堂。兄弟見愛。久而安之。忘其痛苦。若夫族無近親。家無夙產。而能槩槩一身。全貞節之道者。除却捐生殉夫一層。孤孀抱潔。世間幾亦落落。不僅見蓋我國女子無自立的能力。惟以第二人爲庇護之天耳。汝於前夫。於汝恩愛已若是之深。而汝更悖約以他適。况今夫正汝之驕敵也。汝既以身鑄錯到此等地步。則節婦之名譽。非汝所當得。無寧擇人而事。爲善後計。予今老矣。百年身後。豈長此能爲庇汝之喬木哉。適其辰有廕生某。纔擣中年之感。欲續弦以理家政。姑勸予事之。某廕生與予結友後數月。來京單乞從政。尊室蘋藻。予寔尸之。不謂良人出門。纔一年。而債臺已山積。蓋彼出山之志。所恃者先父多有顯同輩。可以力求汲引。然功

名初步。第一之需要品在金錢。憑借貸爲運動計。博得一承派位置。月餉僅五六元。而酬酢供應。支費頗巨。宦途之階級。其進境猶遲。而子母之利息。其陞秩愈速。遂使我良人。始而被債主所起訴。繼而於公衙報欠。面問以革職。終則只見咨回鄉貫。宣告失蹤矣。予孤房獨守者。又三年。寂無音息。斯予艷其色。由官介紹。納予爲篷室。予隨某官赴蒞。居七八月。琴堂風月。金屋生涯。儼然官家婦矣。不意官之正室。亦踵而至。醋海波濤。予亦備嘗痛苦。仍僅隱忍受之。乃正婦爲人太揮霍。官之所入。不足以供其用度。於是贓賄大行。而某官之被褫職者。亦職此之故。嗟乎。予之官人。寔慈惠長者也。初政辰。決以清白示人。饋贈都不受。故數月間。官餉僅足以支飲食之費。然因此正婦疑。予以官所入。營其私蓄。多方拷問。鞭朴隨之。自婦抵官蒞後。飲食服用。一切從事奢華。遂令我官人責仁之義輕。而金錢之見重矣。大凡以身應世。使心無邪曲。猶可坦白示人。若自家挾有營私自利之主義。則凡有權力足以加諸我者。咸以此等主義對待之。螳螂在前。黃雀在後。天下情勢。大抵如是。而決此欲竇以成轉輸分注之水者。則太半由婦人輩啓之也。寄語世間女子。若幸得爲官家婦。要當節省。毋爲良人累者。可我所庇之官人。自懸車後。改計歸田。謀耕織事。然居高處優之官樣。一落而爲粗衣惡食之農人。動作則不耐勞。風流無以自贍。於是夫婦之間。嘗起衝突。而予亦重受其惡影響。噫。不去此。則家不寧。不去此。則福不生。予不得已。亦敬遵馮敬通之命令。而含淚出門矣。

出門後。適商家李某爲繼室。蓋其辰年華逝矣。予之終局。惟求托身金穴。爲自贍計耳。五湖寄迹。陶朱業。四海交遊。宴子風。其家門閑熱之光景。想金馬玉堂。不是過也。惟李君所營商之資本。不純是

香江夢

六六

自己出。商本之大部分都取資於外債。適是年荒歉。百貨均不利售。財源壅滯。債務成積。而商業因之倒歇。大凡我國營商家。商才商學既不若人。而一舉一動。輒欲效法歐美。纔起辦一商館。則几桌何等奢麗。車馬何等輝煌。初辰旁觀者無不以大營業大財神呂之。何況我們婦女能不目眩神迷。受其愚弄。予投李君門。自計身後得所托。故入門時亦竭予綿力。擔任主婦內助之責。不謂倒館之信至。而彼之財產已被籍封矣。可憐哉。數月間予所承於主人之歡。僅購得金釧一雙。金粒數百。及予與主人離館後。不得不解出任我主典賣矣。丈夫床頭金盡。美人便無價值。自知此時之予亦不過等於我主商館內已經蠹朽之雜貨已耳。李君賃一小屋居我。且告之曰。彼將往西貢覓生業。以圖捲土重來之計。待到富貴行將聚首。未晚。嘆青春之不再。何日君歸。縱白頭而可盟。此身誰托。商人重利輕別離。此時予亦早知李君正欲對予脫離關係已耳。君既出門去。妾豈復家爲。天各一方。而予則更是香江之嫠婦也。把琴賣到客人船。飄泊此身知何寄。今日則登徒子。明日則宦遊人。或則以我爲媚上之資。或則以我爲消愁之酒。得我之一笑。而丈夫抑鬱之氣平。擗我之一怒。而少年倖薄之態歛。顛雲覆雨之手段。予曾施之。然每於夜深人靜辰。聽他人向我絮絮作情話。則又椎心泣血。引自悲悼。嗟乎。生不能爲好男子。博鐘期之一樂。徒作婦女。刦供他人玩弄。而恨無一誠寔君子。結白頭之交。使妾今日蘭質柳姿。已是殘花敗絮。盡人可夫也。而猶是一嫠婦也。噫。人生至此。尚復知情爲何物哉。婦語竟。遂嗚咽不能成聲。予徐告之曰。噫。姑娘其可以止而淚矣。紅顏薄命。丈夫蹇途。昔今同慨。予等雖生爲男子。而半生塵迹。想無異於姑娘。出門凡幾許年。險阻艱難。備嘗。

之矣。乃至今日。又不知此身爲何如人。未敢以男子自誇大也。姑娘以生得爲男。便是大幸耶。世界上爲男之樂亦多矣。或官高名顯。隻手可炙。爲勢力家者。或身擁萬金。置田千頃。爲大富翁者。或琴酒逍遙。江湖自適。爲風流漢者。或高談雄辨。傾動一辰。爲識辰傑者。或一斗詩百篇。咳唾成珠玉。爲大文豪者。然此等男子。已是鳳毛麟角。若碌碌我們。則奔走徒勞。偷閒歲月。既無學以應辰。僅謀生而自度。乃家有父母。而不能晨昏。心懷桑梓。而不能朝夕。回念身世。與姑娘又何異焉。姑娘無以生得爲男。爲可貴也。婦語予曰。噫。妾知之矣。世間男子。亦非盡是樂觀派。雖然。君等尙爲香江舟中之人。妾則正香江舟中之鬼也。予聞婦言。不覺大愕。驚起。見雲屏君已坐於船頭。掬水洗面。告予曰。紅日出矣。吾儕可捨舟登岸。

▲調查戰後歐美之教育

中國郭秉文博士自歐美歸後。昨在某教育會報告調查戰後歐美教育狀況。茲記述如下。
今日報告戰後歐美教育狀況。不過言其大概。若詳細報告。容俟異日。此次歐美各國戰後教育之新趨向。可得而言者。凡九端。

一。對於教育特別注重。歐美各國在戰後重視教育之精神。是不可幾及。凡雜誌報章所載委員會所發表者。無不注意於教育一端。即在戰爭最劇烈之辰。教育之進行。未嘗一日停頓。此次戰後各國於教育上無論關於全國的。地方的。都有一種改革計畫。舉其改革之要點。(一)普及教育。在承平辰代。吾人咸認歐美各國教育久已普及。豈知戰爭之後。發見從前調查及設學之猶未精密。今

則謀畫普及益力。(二)延長義務教育。各國都主張延長義務教育及補習教育之年限至十八歲。法國且主張延長至二十歲。(三)優待教員。凡教員俸給較前增加益厚。一以戰後生活程度愈高。一以社會對於教員愈較前看重。(四)擴充教育經費。如美國馬塞朱塞州戰後教育費增加五百萬圓。本雪文尼州增多三倍。其他各省無一不增。歐洲如英國亦較前加增。若法若意。戰後獨對於教育費。則有增無減。可見歐美各國於教育事業斷不肯因戰爭之影響稍懈其設施。蓋事之可緩者則緩之事之不可一日無者必勉力爲之。彼固視教育之重要無異於人之第二生命也。

(二)教育事業漸含有共和之精神。各國自經此次大戰。向來階級思想爲之破除。凡上流社會所入之學校。今則均改變其習慣。大學之學制課程亦注意於改良。在教育行政方面。向來由少數人主持者。今則出於多數人之意。在學校行政方面。亦取決於校中多數職員。留倫敦辰嘗詢教育總長。以此次教育上大改革之要點何在。總長謂最重要之改革。不在當局者之主動。而在大多數人民之同意主張。此寔最可注意之一點。

(三)學校事業之範圍漸見擴充。戰後各國學校無論教師學生。於服務事項之擴大。不期然而然。蓋緣戰爭之際。療治傷兵之應用器物。以及普通兵士之所用什物。多由學校內製作供給。他如公債之提倡。輿論之鼓吹。多得力於學校中人。因此社會之對於學校基本的觀念爲之改變。在學校雖因服務關係。一辰學業上不無受其影響。然爲戰爭盡職。爲國家社會服務。所得足以償所失者。而有餘焉。

四。訓育知育上特重自動。大戰之結果始知以英法人與德人戰以一抵一德人每至失敗何也。英法人之教育向主自動故其個人之能力與其敏活寔勝於德人之機械的行動也。又據此次與戰之軍人言平日學校內認為優良之學生一入戰場往往不甚得力而平日活動較甚者在戰爭上能力極富教育者對此亦可思得其故矣。

五。體育與衛生之注意。向來對於歐美人之體育以為非常發達景意經此戰爭檢查入伍者之結果發見體格不合者極多因此各國咸覺悟體育上之猶未注意又調查此次大戰軍官及兵士之失敗者不在軍事知識之缺乏是在普通知識及體育上基本的練習不足之故因此教育上對於體育與衛生益加注意。

六。職業教育之發達。職業教育在歐戰上極有關繫戰後之職業教育愈形發達原因有二。(一)當戰爭開始辰搜羅軍事上之工程家及技師極感缺乏為一辰救急計不得不設職業科養成應用之人材。(二)因戰後傷兵纍纍謀所以安插之法咸使受職業教育俾資謀生有此二因今日歐美各國之職業教育益見發達矣至於職業教育與中學校之關繫就美國一國言之有兩種主張者。(一)職業教育與中學校分離唯商業科中學可以增設主張此說者以為職業學校之性質及其辦法與中學校自有不同之點故宜分設。(二)中央教育委員會之主張中學校可設職業科而在國內一般人之主張則以為普通教育愈延長愈佳又有司奈騰氏之主張職業教育當用分業制不宜辦普通職業教育譬如商業學校不宜授普通的商業教育僅就商業一門更當分類各別研究如

工業。如農業。乃至其他各職業皆然。蓋以爲分功愈細。則事業愈精。此等主張。大可以供吾人之研究也。

七。係科學之研究愈進。此次歐戰。吾人可覺悟者有二。(一)係科學的戰爭。(二)科學於世界的戰爭。時。發明種種殺人利器。此皆科學發達有以致之。然此種科學的發明品。如毒氣顏料等。至今仍嚴守秘密。他人無由窺其秘奧。因此各國無論商界工界以及大學校都注意於科學之研究。如意大利本年以三百萬佛郎爲設備理化之用。美國康乃耳大學以一百五十萬元設理化研究科。工科則添設路政學研究築路之經濟。及不傷車輪橡質之方法。咸注重於應用科學方面。

八。教育團體愈結合。能力愈增。各國教育之新趨向。即組織教育團體極多是也。美國教育界近組織全國教育總機關。對內定教育上改革之計畫。對外爲外交之建議。最近各國組織國際教育團。日本亦派員加入。

九。國家思想之發達。今日盛唱世界主義時代。吾人以爲在歐美各國之國家思想必漸以消失。詎知戰爭之後。各國人民之國家思想愈形發達。此其故。(一)由於戰爭期內。國民專恃本國之生產力。維持其生活與對外之戰爭。(二)由於國民對國家無不盡其實際上之義務。(三)由於教育家之鼓吹。有此三端。國家思想遂自然發達於無形。或疑今日國家思想發達如此。恐不免引起將來第二次之大戰。所慮誠是。但就教育上言之。提倡國家思想。但須不損本國之主權。而無害他國之利益。不相衝突。斷不致於發生爭端耳。此又戰後各國教育上發見之一種新趨向。足供教育者之注意者也。

◎文苑古賢詩摘錄

恭和御製黃菊詩

以下 裴珠江先生作

輔導大臣嗣德乙卯科舉人乙丑科副榜成泰

三年恩賜
同進士

碎盡商金剪作花。御袍纖就貢仙家。由來正色

名天下。不斷寒香殿歲華。瘦影上簾星欲曙。繁英臨砌日初斜。遙知瓊苑懷芳夢。併到幽蘭水一涯。

恭和御製清明

寶殿平分玉蓋幽。鼎湖望渺夢悠悠。江山地氣

多鐘秀。風雨天心併助愁。帝孝感孚餘卅載。聖恩滲灑自千秋。松峯萬木蕭蕭裡。縹渺衣冠想出遊。

岳州守風

使燕辰作

青草茫茫接洞庭。君山數點不分明。岳州風雨連宵泊。楚澤波濤盡日鳴。地遠江湖添有夢。天

寒鴻鴈杳無聲。高樓擬借仙人笛。吹散寒烟放棹行。

留別京中僚友

使燕辰作

以下 阮荷亭先生作

官刑部尚書嗣德丁卯科舉人戊辰科進士詩

見每懷吟草

瓊島雲開北極天。薊門春樹散寒烟。不辭持節萬千里。空愧誦詩三百篇。東閣香携梧雨後。南關秋到菊花前。團團卿月勞相炤。望裏清光又隔年。

萬壽慶節前一夜宿長慶府

冠珮來朝拜闕庭。鈞韶清夢客中醒。連山瘴霧開銅柱。千里卿雲繞玉屏。官署紅燈星數點。譙樓嚴鼓夜重局。恰逢此地稱長慶。險濟前途藉寵靈。

三清峒

峒在諒城西北

奇秘難勝造化圖。更從絕塞擘靈區。石趺倚壁

(文苑) 古賢詩摘錄

七二

分蓮界。鐘乳懸岩滴玉壺。峒幻雲遮門不見谷。
深燭盡路還。紅窟中聞有驪龍睡。不識何年探得珠。

啓關

北戶晴烟萬嶺開。南端紅日曜雙臺。層城砲逐軍笳響。故國雲隨使節來。入境人情忙應接。忘家臣分敢徘徊。預期隔歲春風早。馬首回瞻嶺上梅。

上梅

至日

去歲渭城逢至日。征驂恰逐一陽回。如今緹室葭灰動。却泛星槎桂海來。夜半斗杓纏北極。天邊雲物望南臺。憑誰寄問梅崗樹。曾否衝寒數點開。

廣西恭發回摺

嶺外冬殘歲漸暄。駢征猶未上華原。江湖遠地遲消息。禁籞鈞天繞夢魂。邊徼重關明主念。艱

勞何待小臣言。一封驛騎重山外。渺渺庭香達九閨。

登岳陽樓

水光山色幾消沉。唐宋詩文自昔今。吳楚乾坤空眼界。江湖廊廟此胸襟。黃陵遠樹斜烟浦。青草歸帆捲夕陰。鼓瑟不聞吹笛渺。懷人無限託清吟。

永年縣恭遇萬壽慶節

啓聖貞符協永年。朱維南極朗雲天。無疆曆服千秋紀。靡及臣心五夜懸。八月星槎遲漢上。三聲嵩祝近山前。遙知益地歸圖繪。不獨蟠桃獻壽筵。

九日汝墳途中作

秋風急急負佳期。行盡山陬又水湄。客地漫尋彭澤酒。閨人應誦汝墳詩。愁中霜雪添雙鬢。分外茱萸憶一枝。來歲故園能脫駕。淡懷好

說菊
知。

古賢文錄

黎文

阮伯聰

天興鎮舊沱江鎮。陳裕尊崩無嗣。楊日禮僭位。弑憲慈太后。藝尊裕尊弟也。辰爲右相國奔沱江鎮。與弟睿尊起兵。自清化回京。誅日禮。卽帝位。初藝尊寄睿尊詩有云。位極謔深。便去官側身度嶺。入山蠻七陵。回首雙行淚。萬里捫羅兩鬢斑。

瀑布懸霜。龍隄隄。倚空參圓。撐空而鎮。北沱江漱玉。以流東此。天地設險。以壯南極。坤維之勢。而藝皇駐蹕。以開萬世中興之功。觀其連絡牢牢。關控扼雲。雲南徼襟帶百蠻。喉咽六詔。贛嶺西峯。萬山環擁而青來。蕩漾汪洋。衆水奔騰而白繞。捍諸鎮之限藩。據上流之津要。爾乃梗柟枯栢。杞梓豫章。菽麥旆旆兮堆隴。桑麻穟穟兮成行。羽毛齒革兮波及於鄰界。金銀珠玉兮衍溢於邊疆。槎浮索引。鳥道兔远。音航獸跡也。輦琛獻贊。俯仰觀光。誠爲國家之外府。而萬寶之所珍藏。思昔鰲極震驚。蘿圖顛躡。厄遭四百。運丁潤季。荒淫無度。昌王移漢祚之隆。狐媚披猖。武氏窃唐家之器。日月昏而無光。天地凜其將毀。惟藝皇之嫌親。常小心之惴惴。逮無可於奈何。乃入山而逃避。捫蘿萬里而雪染干莖。回首七陵而血斑雙淚。瞻翠花兮搖搖。儼六龍之戾止。翕諸侯兮景從。翥羣英兮麋邱殞反至。熊羆之士三千而同心。貔虎之軍百萬而來萃。整大駕以回京。續壺漿而迎餽。指揮而妖孽迎降。談笑而兇徒送死。洗六合之腥膻。蕩宮庭之氛翳。懸日月於中天。奠丕基於萬世。然後知藝皇微斯鎮。安能致成功之巍巍。斯鎮微藝皇。安能稱嘉名之煌煌哉。嗚呼噫嘻。雲棧縈紆劍閣穹崇。雖足以脫明皇之難而玉壘淹留。不能回唐轍而東。淆隴險阻。洛陽適中。雖足以致平王之幸。而五城自小。不能反岐周之封。然後知藝皇之功。天興之鎮。歷萬世而莫與之匹。美而比隆也。乃拜手稽首而爲之歌曰。壯哉天興。爲南方之表極兮。啓我皇圖。垂千億兮。於維藝皇。不恃險而恃德兮。

◎今人詩錄

移寓復阮尹生輝先生問

晚謁慶和天依塔。以下陸海鷗人近作

古塔嵯峨夕炤明。海天奇絕毓飛瓊。婆心近說參三密。勝蹟猶聞跨兩京。峒口人家隣虎穴。雲間怪樹落猿聲。仙源不省紅塵客。皓月閒花管送迎。

訪潘世兄林居則適從名山歸也

長安市上舊同遊。又向梅丘共醉留。一徑幽棲花滿眼。十年重見雪盈頭。買山價賤猶書券。愛客寒深數典裘。流水碧桃閒裏住。何勞辛苦覓蓬洲。

過咸中田莊題壁

中鴻山人客居

濃山武孝廉晤述因贈

萬事俱陳迹。對君空復愁。歲華雙鬢改。世難隻身浮。茗話新亭雨。寒生故國秋。兼天波浪險。滄海漾扁舟。

詠史

錄舊作應祭酒叫先生教

積歲鷄窗著腐儒。牙籤磨遍眼模糊。先生應悔窮經力。一代勳名屬釣屠。

伏生

繼絕興衰意念微。韓灰燼後壯心違。且將餘略酬知己。不待成功欲息機。

子房

出處已應無管樂。指揮寧復數參何。古今幾見
蒼蒼。簾藤床夢亦涼。却憶荒園千里外。菊松三逕自

隆三顧六出祁山未足多。諸葛

斗覺浮生萬事虛。乾坤隨在度居諸辰粧愧乏
新花樣。歸計憐無舊草廬。海內論交還爾爾。春來有夢亦蘧蘧。關河惆悵雙蓬鬢。強向東風倚醉書。

只憑脂粉洗腥虧。猛雨謀雲總渺然。當日解論安塞績。蛾眉端合畫凌煙。

明妃

惜春

悼亡姬也

裁芳草。一別東風惹恨長。

丙辰元旦書壁

彩燈爆竹鬧村閭。三載江南賦索居。不作辰粧
鬪華艷。長安風味愛吾廬。

辰世界之部

▲斯巴大會後、歐洲局面。

自有七月五日至十六日之斯巴大會。而德始切定承認盡力履行和約條件。軍額之減少。戰品之交出。

戰犯之懲罰。雖未能如約實施。而協約國亦頗能諒解其苦衷。不復過事誅求。(見七月二十一日倫敦電。英相喬治在下院所發表斯巴大會經過之言論)是對德問題。可謂已臻解決之時矣。土耳其之對於和約。雖曾抗議於前。而一經協約國之恫嚇。誠恐再事囑強。并君士坦丁之一隅地。亦不能保。遂即決定簽約。簽約使者。已首途赴法矣。法在敘利亞之用兵。敘利亞王既已完全承認法人之條件。法敘之戰。自可解免。希臘在東塞拉斯(即歐洲土耳其舊壤。讓予希臘者)之用兵。既已陷其重鎮。走其總督。是希土之戰。亦已告一段落。夫在巴斯大會之後。對德對土兩問題。竟皆臻和善平靖之域。寔可使舉世人爲之愉快者也。然錯綜複雜。延宕經久之對俄問題。亦猶未解决。自俄波休戰。急轉直下一變。而爲倫敦對俄媾和大會之磋商矣。今雖未成事。是而不可謂非全世界和平之先機也。先是俄波戰事。波蘭乃向斯巴大會。呈請英相居間。對俄提議休戰。英相聽之。而俄國對於英人之條件。表示拒絕。俄既拒英之議。英乃諷令波蘭直接對俄請和。一面致牒俄國。謂波蘭請和。俄如不理。則英俄通商談判。當即終止。協約國且將用兵援助波蘭。以保持歐洲之和平。云。今春波蘭出兵擊俄。英本不直波蘭所爲。故有勸令請和之舉。至英法欲出兵援助。則以不願見波蘭之爲俄所併。德俄間之無一緩衝國。與夫阻止勞農政制之西漸也。此觀乎英相在議院演說之詞令。而可見者也。(見七月二十四日申報倫敦電)自此牒之發出也。俄國態度大變。一面傳令前敵停戰。與波蘭約期開議。一面對英建議。在倫敦開一大會。召集俄邊諸國。討論俄事。善後並請協約諸國列席參議。英相以茲事體大。法國對俄之意見。不可不先事疏通。乃亟會法總理於波洛業 Bologre。共籌對付俄事之方針。並徵求美意兩國之同意。以便一致進行。使英法會議而得良善之結果。使俄國勞農政府而容納英法之建議。則日後之倫敦大會。必爲關係於全世界之大會。集其重要。當不減於去年之巴黎和會也。

(長談) 中國北京之政局談

七六

△法議會通過斯巴議案 七月三十一日巴黎電

衆議院今日以三百五十六票對一百六十九票。通過斯巴會議所協定借款與德國。以利便礦山出煤之議案。初料此案必有一度劇烈之辯論。今竟通過。定為總理米勒蘭之勝利。

財政委員會報告員波甘諾斯基氏聲明財政難題之嚴重。謂豫算案再加擔負。則國家社會安甯與經濟改造。將受其害。外交委員會報告員羅林氏。則贊成此案。謂波洛業大會已大修正斯巴大會所定之辦法。總理米勒蘭接此等問題。有謂煤斤問題。非常重要。保全家庭與工廠煤斤之充分供給。乃謀國內安甯與經濟發達之第一要義云云。

△中國北京之政局談

中國近年南北紛爭。調停未見結果。乃今年於六七月之間。而中國北方政府之情形。大形紛擾。北方南伐之軍。乃一返旆而作近畿之戰。今戰事已告竣。皖系安徽黨派完全失敗。直系直隸黨派已佔優勝。然國內政治上之統一與否。黨派意見之融洽與否。此尙難解決之問題也。原北京政界自南方分離之後。占政治之地盤者。厥惟直皖兩系。直系則直督曹錕。蘇督李純。鄂督王占元。奉督張作霖。贛督陳光遠。及吳佩孚等。而徐世昌總統。雖自登極後超然不黨。然前此亦直系中之老成人物也。皖系則段祺瑞爲系中之主人翁。而徐樹錚。曾毓雋。朱深。李思浩等。乃其著名之黨羽者也。安福部乃皖系在京所標揭之旗幟。近數年來。皖系已組成此團體。以盤據中國之政權。內則占內閣之席位。外則有段氏籌邊軍隊之組織。以爲之後盾。軍閥聲氣凜然。有炙手可熱之勢。此人人所共知也。然權利優者。則其招忌必深。勢力大者。則其反力亦巨。此乃政黨循環之公例。而此公例常發現於中國。最有興味也。兩年于茲。南北戰局未能解決。直系方面。則有與南方接近之一線曙光。而皖系方面。則以勦滅南黨爲最後之目的。因此兩系之意見不能一致。而演成北京內閣與國會之種種爭點。

近因直系之師長吳佩孚在衡州撤防回京。段祺瑞開議責問。且欲提籌邊軍南伐。夫籌邊軍之南征。必假道於保定一線。而直督曹錕氏居保定之喉咽。豈肯任異系軍隊之肆行。以蹂躪自己統系之黨羽乎。於是電呈徐總統。請撤消邊防軍。且表示阻止南征之舉。曹氏此舉。寔非段祺瑞所甘心也。段氏乃於七月八日在將軍府開議。揭吳佩孚在前敵通敵之罪狀。及曹氏違令。敢斷絕京津糧道。以袒南方。遂呈徐總統。迫令將曹吳等革職。於七月九日。徐總統下令開去吳佩孚第三師師長職。並奪陸軍中將銜。曹錕則褫職留任。徐氏之出此舉。亦迫於勢之難已。蓋此辰聞段氏宣言。若總統不肯下令。則將以軍隊包圍公府。以武力要求云。然段氏此次之行動。乃由部下徐樹錚朱深曾毓雋諸人之所慾。患直系受此一番痛打。豈肯干休。乃聯合八省督軍。電京請徐總統懲辦徐樹錚。及解散安福部。於是而徐樹錚解職之令又下矣。迫得段氏氣忿無可隱忍之餘地。於是派段芝貴爲定國軍西路總指揮。統師問罪。而吳佩孚亦奉曹錕之命令。駐防於琉璃河。決與段軍相見。七月中旬。則兩軍在京畿附近演出悲劇之辰期也。曹氏方面。則吳佩孚爲總指揮。及各將蕭耀南閻相文王承斌張福來等。集中軍力於保定。段祺瑞方面。則徐樹錚爲總指揮。及各將段芝貴宋子楊李如璋等。駐兵於廊房一帶。以阻直軍之北上。乃不謂奉天督軍張作霖氏亦出師入關來。與直軍相策應。長江三督李純王占元陳光遠。雖外表中立。而亦有與直軍助順之意。段氏四面受敵。十六十七等日。在北京附近涿州琉璃河等處。兩軍交戰甚劇。段軍經大挫敗。遂退入北京城。而吳軍亦長進逐北矣。現日則皖系已完全失敗。皖系之各重要人物。紛紛逃避。或竄居東交民巷。蓋東交民巷者。乃北京各國之租地。昔時張勳復辟。經失敗後。以此爲避居所。今段氏諸將。亦步舊時張勳之故。

(辰談) 中國北京之政局談

七八

智也。嗟乎。中國政黨一起一伏。權利之爭。究無已時。然可引人興味者。則昔日之日此租地也。而段氏內閣要求引渡民黨。繼此而要求引渡張勳。今亦此租地也。而直系要求引渡段氏及其黨羽。卒少者也。皖系失敗後。直系要求徐總統解散安福部。及逮逋安福黨人。據各報載。則曹張等主張段祺瑞一人。則或設法安置其餘。徐樹錚。曾毓雋。段芝貴。丁士源。朱深。李思浩。王郅隆。梁鴻志。姚震等。皆在通緝之列。可憐哉。此一團人衆。前此盤據要津。操縱閣政。而今爲逋逃之亡命客。抑蹠武及擅電。則曹張作霖會議結果。公推靳雲鵬組閣。贊成閣員人名。則內務田文烈。海軍薩鎮冰。外交顧維鈞。財政周自齊。陸軍由靳氏自兼。司法王寵惠。教育張一麌。農商張謇。交通葉恭倬云。夫幾年來中國之前途。皖系寔操其主柄。故外債之繁多。國會之蹂躪。民心之離渙。凡今日種種險象。不可謂皖系不負責任也。然皖系倒矣。而中國可統一乎。可興起乎。此寔難解索之問題也。據報載。則吳佩孚君。曾對人發表意見。謂此次推倒安福部。力求中國之統一。及組織國民大會。其尊旨取國民自決主義。凡統一善後及制定憲法。改選舉法。暨諸重大問題。由國民公決。又載現日北政府已撤消上海南北和會。而以李純爲北方總代表。直接與南方調停。以速謀統一云。吳氏謀國之熱心。誠可欽佩。然達到此目的與否。則尙難知也。據申報八月十一日所載外人論中國之隱憂一篇。誠可尋味。這篇乃字林報北京訪員哲白特氏所記述也。其大意略云。段軍敗。安福亡。戰事至此已下一段落。但新戰事又在醞釀中。此番乃官僚與吳氏相互之戰爭。一則爭承繼的權利。一則爭中國民治。

之主義也。吳氏之戰勝也。欲以此戰勝之結果。使國民受其賜。吳氏有見乎軍閥主義之不善。故欲廢除督軍制。裁散五十萬兵士。以代議制政府行諸中國。故草定計畫。欲上自總統府下至各縣署之全國行政改造事宜。悉委之教育會商會工會農會代表之手。而不許官場干涉。且集會地點不在北京。以免總統命令所左右。然中國今日此派官僚雖倒。而彼派官僚之勢力。尙盤據諸國中。而吳氏又缺乏國民之公然援助。設吳氏主張果見寔施。則上自總統下至各省彊吏。將復有何權利之可言。恐不免合力以反對吳氏所提出之計畫。觀近日擁護靳氏出而組閣。蓋其意官僚諸人亦欲使靳閣與各省新督聯爲一氣。以節制吳氏也。吳氏亦早見及此。故常對人謂事業僅成就一半。噫。前一半之事業既成功矣。後一半之事業將何如。吾儕極望中國人能於此辰宜解除私人權利之爭。以國家爲前提。而謀所以統一。謀所以整頓。不然。安福部既倒。而第二之安福部又生。武閥旣除。而將來之武閥繼起。則烏見其可。而吳氏此次之戰功。特不過供爲一派官僚之勝利品耳。吾望中國人當籌謀所以善後之計。

◎國內之部

▲法國舊首相潘利偉(Painlevé)公來南之近信

法國來華特使潘利偉公。此次赴北京考察東方之文化。聞已預定由北京南旋。約於西九月三日可抵上海。又由上海搭法國公司黎奔號船往香港。然後順道抵河內。大約於九月十日可到河內。預想屆辰。東法政府必表歡迎之盛情。而法國一大政治家駕臨斯土。見此屬地之人民向來亦一

亞東文獻古國之民族。其事寔猶堪案證。今方結團體同心力以服從三色旗下而領受上國文明之賜。則歸國辰必能本觀察之眼光告語其國人咸以人道博愛之主義弘施於受庇宇下之民族無疑也。吾儕方翹瞻馬首而且夕望之。

東法全權大人返河內

聞全權龍大人將自西貢返旆河內約西九月八日可達到公返後聞將有重大要政與各大憲開會商議云

中圻諮問議員之選舉

近日東法政府與我朝庭已下令設一諮問會同於中圻其條例已由我皇上降諭宣佈本誌前期經登載之矣。這會同聞住京欽使大臣預定於本年九月拾月間卽開成立大會於京師故已先期飭轄下各省選舉議員近據中圻消息則中圻各省已於西七八月間陸續投票選舉預定到九月期選舉應各清楚想不久召集之命令亦繼見發表矣。噫今日我國京城其將有一議事場建立於香江屏嶺之間而我十三省之人民得於此聚會同堂以備政府之顧問我中圻人民今後其有學習國政之場所乎然此非賴有兩國政府有仁民之心曷克有此吾儕尤望中圻各議員其當知所奮勉求能盡國民之天職能練成議員之資格以無負上人作成至意中圻獲選之新議員諸君乎諸君爲就班之第一學生爲登臺之頭等人物我現在之中圻人民方懸望於諸君而後來之中圻人民亦取法於諸君其責正纂重也。